

Ҳаётимиз осуда ва фаровон бўлиши учун



17:02 / 11.08.2017 6468

Ислом кўрсатмалари

Ҳар бир инсон яхши яшашни хоҳлайди. Камбағаллик ва қашшоқлик мукаммал ва давомий ибодат қилишга ҳалақит қилади. Чунки очлик ва етишмовчилик ибодат пайтида ҳам инсонни чалғитади, оила ва рўзғор ғами хаёлни қочиради.

Динимизда ҳаётимиз, умримиз ва ризқимизга барака, осудалик ва фаровонлик бахш этадиган маънавий ва ахлоқий усувлар бор. Афсуски, биз уларни кам қўллаймиз. Баъзида динимизга зид бўлган усувларни ҳаётимизга татбиқ этамизу, диний ва дунёвий манфаатларимизга хизмат қиладиган амалларни қилмаймиз. Қуръони Карим оятлари ва пайғамбаримиз Муҳаммад соллаллоҳу алайҳи васалламнинг муборак ҳадисларига риоя қилиш айнан мана шундай фаровонлик ва манфаатлар топишимизда ҳар биримизга кўмак беради.

Бунинг учун,

Биринчидан, намозларни хушуъ билан адо этинг.

«Эй иймон келтирғанлар! Рукуъ қилинглар, сажда қилинглар ва Роббингизга ибодат қилинглар ҳамда яхшилик қилинглар, шоядки, зафар топсангиз» (Хаж сураси, 77-оят)

Иккинчидан, Қуръони Каримни зикр этинг.

«Биз нозил қилған бу Китоб муборакдир, ўзидан олдингини тасдиқловчидир. Уммул Қуро (шашарлар онаси) ва унинг атрофини огоҳлантиришинг учундир. Охиратга иймон келтирадиганлар унга иймон келтиурлар. Ва улар намозларини муҳофаза қилурлар»

(Анъом сураси, 92-оят).

Учинчидан, Расулуллоҳ соллаллоҳу алайҳи васалламга дуру саловатлар айтинг.

Убай ибн Каъб розияллоҳу анҳудан ривоят қилинади: Мен:

- Ё Расулуллоҳ, мен сизга кўп салавот айтаман, дуоимдан қанчасини сиз учун салавот айтишга ажратай? - деб сўрадим. У зот:**
- Истаганингча, - дедилар.**
- Тўртдан бирини ажратсам бўладими? - дедим.**
- Истаганингча, агар зиёда қилсанг, ўзингга яхши, - дедилар.**
- Ярмини ажратсам бўладими? - дедим.**
- Истаганингча, агар зиёда қилсанг, ўзингга яхши, - дедилар.**
- Учдан иккисини ажратсам бўладими? - дедим.**
- Истаганингча, агар зиёда қилсанг ,ўзингга яхши, - дедилар.**
- Дуойимнинг ҳаммасини сизга салавот айтишга айлантирсамчи? - дедим.**
- Унда ғам-ташвишларингдан қутуласан ва гуноҳларинг кечирилади, - дедилар.**

(Термизий, Аҳмад, Байҳақий ривояти)

Ҳасан ибн Али розияллоҳу анҳу ривоят қиласи: Расулуллоҳ соллаллоҳу алайҳи васаллам: “Менга саловат айтишни қўпайтиинглар. Чунки менга айтган саловатларингиз гуноҳларингиз учун мағфиратдир. Менга даража ва василани сўранглар. Чунки Раббим ҳузурида менинг василам сизлар учун шафоатдир”, дедилар.

Тұртингидан, бомдоддан кейинги вактни бедорликда үтказинг.

Расулуллоқ соллаллоқу алайҳи васаллам Фотима розияллоқу анхога: "Тонгда ухлаб ётмагин, чунки бу вактда уч нарса: яхшилик, одоб ва барака тақсимланади", деганлар. Бомдоддан кейин күн чиққунча ухлаб ётиш камбағалликка, қашшоқликка, қарздорликка сабаб бўлади. Анас ибн Молик розияллоқу анхудан ривоят қилинади. Расулуллоқ соллаллоқу алайҳи васаллам: **"Саҳарда туринглар, чунки саҳарда барака бордир", дедилар** (Бухорий, Муслим ривояти).

Бешинчидан, саховатли бўлинг.

"Ўзингиз суйган нарсадан нафақа қилмагунингизча, ҳаргиз яхшиликка эриша олмассиз. Нимаики нафақа қилсангиз, албатта, Аллоҳ уни ўта билувчиидир" (Оли Имрон сураси, 92-оят).

Ибн Имрон ибн Қосим ҳикоя қиласи: «**Аллоҳнинг расули менга шундай дедилар: «Ё Имрон, дарҳақиқат, Парвардигор мулкни яхши амалларга, ўз оиласини таъминлашга, муҳтожларга сарфлагани хуш кўради. Хасислардан нафратланади. Сен харажатлар қил, меҳмон қил. Хасислик қилма, акс ҳолда ҳаётинг мушкуллашади».**

Олтинчидан, гўзал хулқ эгаси бўлинг.

"Улар иймон келтирган ва Аллоҳнинг зикри ила қалблари ором топганлардир. Огоҳ бўлингким, Аллоҳнинг зикри ила қалблар ором топур!" (Раъд сураси, 28-оят).

Оиша розияллоқу анҳо айтадилар: **"Расулуллоқ соллаллоқу алайҳи ва салламнинг хулқлари Қуръон эди". Наввос ибн Самъон розияллоқу анҳу ривоят қиласи: Расулуллоқ соллаллоқу алайҳи ва саллам: "Яхшилик бу ҳусни хулқдир. Гуноҳ эса кўнглинг хотиржам бўлмаган ва одамлар билиб қолишини истамайдиган ишингдир"** (Муслим ривояти).

Ҳазрат Али каррамаллоқу важҳаҳу ўғли Ҳасанга қараб: «**Ё ўғлим! Такаббурликдан жирканчлироқ нарса йўқдир. Инсонга яхши феъл-атвор ва гўзал маънавий фазилатлар келтирганидан кўпроқ ҳеч нарса баҳт келтирмайди**», дедилар.

Еттинчидан, омонатдор бўлинг.

Расууллоҳ соллаллоҳу алайҳи ва саллам: “Омонат ризқни жалб қилса, хиёнат камбағалликни жалб қиласди”, дедилар (Дайламий ривояти).

Саккизинчидан, ҳақгўй, тўғри йўл ва тўғрисўз эгаси бўлинг.

«Албатта, “Роббимиз Аллоҳдир”, деган, сўнгра мустақим турганларга хавф йўқдир ва улар маҳзун ҳам бўлмаслар» (Аҳқоф сураси, 13-оят). Абу Бакр розияллоҳу анҳу: “Сўнгра мустақим турганларга хавф йўқдир” оятини шарҳлаб: “Улар Аллоҳга ҳеч нарсани шерик қилмадилар. Аллоҳдан ўзга биронта илоҳга юзланмадилар. Аллоҳ таоло Парвардигоримиз, деб событ турдилар”, деганлар.

Тўққизинчидан, тақводор бўлинг.

«Ким Аллоҳга ва Унинг Расулига итоат этса ҳамда Аллоҳдан қўрқиб, Унга тақво қилса, бас, ана ўшалар - ўзлари ютуққа эришувчилардир» (Нур сураси, 52-оят).

Расууллоҳ соллаллоҳу алайҳи ва саллам: “**Сизларга, Аллоҳга тақво этишингизни ва ҳабаший қул (бошлиқ) бўлса ҳам, унинг сўзини эшитиб, итоат қилишингизни васият қиласман. Чунки ким мендан кейин яшаса, кўплаб ихтилофларни кўради. Ана шу пайтда мени суннатимни ва тўғри йўлга етакловчи рошид халифаларни суннатини лозим тутиб, маҳкам ушланглар. Ва уни озиқ тишларингиз ила қаттиқ тишланглар. Аммо ишларнинг янги пайдо бўлганидан сақланинглар. Чунки барча янги пайдо бўлган ишлар бидъатдир. Ҳар бир бидъат залолатдир. Ҳар бир залолат эса дўзахдир”, дедилар** (Абу Довуд, Термизий ривояти).